

Kvalitetno poslovno okruženje

UKLJUČITI DIJASPORU U RAZVOJ ŽEPČA

Certifikat BFC je potvrda Općini da je uspjela unaprijediti konkurentnost

Općina Žepče trenutno je jedna od tri općine u Federaciji BiH koja je dobitnik prestižnog međunarodnog sertifikata južistočne Evrope (BFCSEE). Certifikat BFC označava da je u Općini Žepče standardiziran postupak pružanja usluga potencijalnim investitorima kroz set usluga koje se nude putem Centra za investitore Općine Žepče.

Instrumenti

“BFC je certifikat koji potvrđuje da je Općina Žepče uspjela unaprijediti konkurentnost kada je u pitanju privatni sektor i da je uspjela napraviti određene instrumente u privlačenju investicija na lokalno područje. Certifikat je potvrda Općini da posjedujemo kapacitete za stvaranje kvalitetnog poslovnog okruženja, to je, zapravo, početak u privlačenju investicija”, kazala je za Oslobođenje Branka Janko, direktorica Razvojne agencije Žepče, koja je jučer sa načelnikom Općine Žepče Matom Zovkom održala konferenciju za novinare u Žepču o pogodnostima dobijanja ovog sertifikata za jednu općinu.

Na konferenciji je istaknuto kako država stvara politike i određene mjere za poslovanje, ali svi investitori dolaze na lokalna područja i tu se investicije realizuju.

“Ukoliko se desi da investitor nije zadovoljan, u principu to znači da nije dobio uslugu ili informaciju na lokalnom podru-



Početak u privlačenju investicija

RAZMJENA
Mi od dijaspore,
osim investicija,
dobijamo i razmjenu
znanja, vještina,
iskustava, onoga
što je potrebno
i traži se u EU

čju. Mi smo kao Općina kroz BFC certifikat pokrenuli određene stvari koje na neki način pomažu da investitor dobije sve ono što mu je potrebno, odnosno idemo u pravcu da izgradimo pozitivan imidž kako Općine Žepče, tako i BiH u privlačenju investicija”, istakla je Janko.

Večer dijaspore

Da je imidž presudan za odluku investitora u ulaganje u jednoj zemlji, potvrdili su brojni strani investitori. Osim stranih investitora, značajan ulagač u razvoj privrede BiH mogla bi biti bh. dijaspora. Naime, kako je istakla Janko, BiH je prva u Evro-

pi, a sedma u svijetu, po broju iseljenika. Stoga je Općina Žepče odlučila da organizuje Večer žepčake dijaspore koja će se održati 26. februara, a okupit će Žepčake iz inostranstva, koji djeluju u privatnom sektoru, akademskim krugovima, kulturi, sportu s jedne strane i ljude iz Žepča koji rade u Žepču, ali i cijeloj BiH, s druge strane, sve u svrhu kreiranja jačeg partnerstva za kvalitetniji razvoj Žepča.

“Mi od dijaspore, osim investicija, dobijamo i razmjenu znanja, vještina, iskustava, onoga što je potrebno i traži se u EU što nam je jako bitno s obzirom na to da i mi idemo ka EU. Ta su nam znanja potrebna da bi naše firme znale kakvo ih tržište čeka, ali i da se pripreme i krenu primjenjivati najnovije inovativne tehnologije koje su jednoj firmi potrebne da bi opstale na zahtjevnom tržištu EU”, istakla je Janko, dodajući kako će Općina radi boljeg dijaloga privrednika formirati i web platformu za razmjenu znanja i vještina.

A. Pe.